

REGIONAL NEWS UNIT
ALL INDIA RADIO GANGTOK
BHUTIA NEWS BULLETIN

BROADCAST: 18:50 HRS

DATE: 20/08/ 2025

NEPALI BASA DIWAS

མངའ་ཕྱི་ གི་ དབུས་ཕྱོད་ འདུའི་ ན་ ད་རིང་ བལ་སྐད་ Manyata Diwas ཉིན་ སྤང་བོ་ སྤང། གསོ་རིང་ རྫོང་ཁའི་ མང་གལ་བ་སེ་ ལོ་ གོ་གྲིང་ ཐོན་མཁན་ ལས་རིམ་ ན་ གོན་པོ་ གཙོ་བོ་ གཞུང་པོ་ སྤང། ཐེངས་ ༥༤ པོ་ སྐད་ དུས་ཚྡོད་ དང་ གཞུང་འདི་ གསུང་བོ་ གནང་ཤང་ གོན་པོ་ གཙོ་བོ་ གས་ དུས་སྐབས་ འདི་ སྐད་ ཡིག་ ཅིག་ཀྱི་ མ་ཨིན་པོ་ རྒྱ་གར་ ཡོད་ ན་ བསྟོད་མཁན་ བལ་པོ་ གི་ རིག་ ལུ་ གི་ རོ་ཤེས་ དང་ ཁྲིམ་ གི་ ཐོབ་སྤངས་ སྐོར་ལས་ ཨིན་པོ་ འབྲེལ་ཤང་ གནང་བོ་ སྤང། སྐད་ཏྲོག་ མ་ནན་ གེན་ཏུ་ ལོ་ ཐོན་ མཁན་ ལས་རིམ་ ན་ བལ་སྐད་ Sahiya Parisad གི་ མེ་མུ་ ལུ་ ལོ་ ལྷི་ལོ་ འདི་ Bann བྱས་ དགའ་ ལུ་ གནང་བོ་ ཨིན། ད་རིང་ གི་ དུས་སྐབས་ ན་ རུབ་རྩང་སྤལ་ Baqrikot གི་ སྐུ་བཟོ་མཁན་ Amir Sundas ལོ་ ཡང་ Krishna Samriti སྤོས་རས་ གནང་བོ་ སྤང། འདི་ འདྲ་བོ་ བྱ་ཕྱི་ Abinarayan Mishra དང་ Chandra Rai ལོ་ Basa Sewa Shree, Wangdi Tshring Lama ལོ་ Sahitya Shree, CB Gurung – Sangit Sewa Shree, Pushpa Raj Adhikari – Natak Sewashree, Dilli Ram Dula – Patrakarita Sewashree, Paras Nechari – Chitrakarita Sewashree དང་ Kiran Lama ལོ་ Nritya Sewashree སྤོས་རས་ གནང་བོ་ ཨིན། འདི་ དང་ མཉམ་ཆེ་ PC Thomas Lepcha དང་ ཡེ་ཤེས་ རིག་འཛིན་ བོ་རྟེ་ཡ་ ལུ་ ལོ་ Basa Gowrab བྱས་དགའ་ ལུ་ ཡང་ གནང་བོ་ སྤང།

MP – LOK SABHA

ལོག་ས་བ་ ལོ་ ད་རིང་ རྒྱ་བ་ རྒྱ་ལན་ སྐབས་ དབུས་ཁྲོས་ཚྡོད་ འབུས་མི་ Indra Hang Subba གིས་ རྒྱ་གར་ ནང་ཤ་ ལྷ་གཡོག་ གི་ གོ་སྐབས་ ན་ AI གི་ གཤོད་སྟོན་ གཏོང་སྤང་ སྐོར་ལོ་ གཏམ་ སྤང་བོ་ ཨིན། ཁོང་ གི་ ཨོ་འདི་ སྐད་ འབས་ཐོངས་ ནང་ཤ་ AI མཐུན་སྟོན་ ནང་ཚུང་ ཁ་ཚོད་ ལུ་ལྷོ་ ལན་ ཏྲོ་ ལན་ དགོས་པོ་ ཡང་ གསུང་བོ་ སྤང། དོན་ཆེན་ འདི་ གི་ ལན་ན་ དབུས་གཞང་ ལྷ་གཡོག་ ལས་ ཁུངས་ གི་ སས་ཀྱི་ བྱུ་ དོན་བཞིན་ AI འབུས་སྟོན་ འདི་ ལྷི་ལོ་ ༢༠༢༤ ན་ འབུས་ ༥ དང་ སྟོང་ཕྱག་ ༧༥ ལས་ བར་འདི་ ལྷི་ལོ་ ༢༠༢༥ སང་ཕྱེ་ འབུས་ ༡༢ དང་ སྟོང་ཕྱག་ ༥༠ ལས་ མང་འདི་ ལོ་རེ་ ན་ བརྒྱ་ཆ་ ༡༥ བར་ཆ་ འབྱུང་ཤང་ སྤང། དབུས་ཁྲོས་ ཚྡོད་ གི་ གསུང་བོ་ ཨིན་ AI ན་ ཡོད་མཁན་ ཡར་རྒྱས་ གི་ འབས་ཐོངས་ གི་ གཞོན་པོ་ ན་ གཙོ་ཆེ་ཤོས་ བྱ་ཕྱི་ ཁོང་གཡོག་ སྤོ་འཆམ་ མཐའ་སྐོར་ འཆར་གཞི་ ལུ་ ན་ AI གི་ ལན་ ཏྲོ་ སྤོམ་ཕུ་ སྤྱབ་ཤང་ སྤང། གསུང་ཤོག་ ན་ སས་ཀྱི་ ཡོད་པོ་ འདེམ་ ཨིན་ན་ས་ AI མཐུན་སྟོན་ འདི་ འབྲུལ་ཆས་ གི་ མ་འོང་བའི་ ལུ་ཀྱི་ མ་ཨིན་པོ་ གཞོན་པོ་ ལུ་ ལོ་ མ་འོང་བའི་ ན་ལྷ་ ཡོག་ གི་ གོ་སྐབས་ སྤྱབ་ཤང་ ཅིག་ ཨིན།

LS ONLINE GAMING

Electronics & IT གོན་པོ་ Ashwini Vaishnav གི་ ད་རིང་ ལོག་ས་བ་ ལོ་ ལྷི་ལོ་ ༢༠༢༥ གི་ online gaming ཁུབ་སྐྱོ་ དང་ གིག་གཞི་ ཁྲིམས་ ལུངས་ཕུས་པོ་ ཨིན། འདི་ གི་ དམི་ཡུལ་ E-བཅེ་འེམ་ ཡང་ན་ས་ online social games ལོ་ དོ་སྤྱང་ བྱིན་ཤང་ དུལ་གཏམ་ ཏྲོ་ online game བཅེ་ཤང་ དང་ ལོ་འདི་ ལོ་ ཁུབ་སྐྱོ་ བྱ་ཤང་ ལུ་ བཀག་ཤང་ གི་ ཁྲིམས་ལུང་ འདི་ ན་ དུལ་ ལེན་འདི་ online བཅེ་འེམ་ བཅེ་བཅུག་ མཁན་ དང་ ཨོ་འདི་ ལོ་ ཁུབ་སྐྱོ་ རྒྱ་རྒྱུས་ གཏང་ཤང་ ཡོག་ལུ་ བཀག་བསྐྱེམ་ བྱ་ཤང་ ཨིན།

RADHAKRISHNA

རྒྱ་གར་ སྤང་འཛིན་ གཞོན་པོ་ ས་སྟོང་ གི་ དོན་ལས་ NDA ཚྡོད་པོ་ ལས་ CP Radhakrishna གི་ ད་རིང་ ཁྲོས་ཚྡོད་ ཁང་ ལོ་ རང་གི་ form བྱུ་སྐད་ གི་ ཕུལ་པོ་ སྤང། ཨོ་འདི་ སྐད་ ཁོང་ མཉམ་ཆེ་ སྤང་སྟོན་ སྐུ་ཞབས་ ན་རེན་ཏུ་མོ་རྟི་ དབུས་གཞུང་ གོན་པོ་ ཨ་མེ་ར་ ཤ་ Rajnath Singh, JP Nadda, Kiran Rijiju, Lok Jan Sakti ལས་ Chiraq Paswan དང་ NDA ཚྡོད་པོ་ འབུས་མི་ ལུ་ བྱིན་པོ་ སྤང། Form བྱུ་མ་ཁུས་ སྟོན་ལས་ སྐུ་ཞབས་ CP Radhakrishna གི་ Sansad Bhawan གི་ Prersha Stal ལོ་ མི་རིག་ ཕུལ་པོ་ སྤང། དབུས་ ཨོ་ཁ་ རྒྱ་གར་ གི་ མེ་མུ་ གཙོ་བོ་ དང་ རང་བཟུན་ དོན་ལས་ ཕུག་ལས་ གནང་མཁན་ ལུ་ གི་ སྐུ་འདྲ་ ཡོད་མཁན་ སྤང། ཚྡོད་པོ་ ཁབ་ཕྱེས་ INDIA ཚྡོད་པོ་ རོ་ལས་ རྒྱ་གར་ སྤང་འཛིན་ གཞོན་པོ་ འོད་འགོ་ ན་ རྒྱ་གར་ ཁྲིམས་ ཁང་ ཆེན་པོ་ ཁྲིམས་དཔོན་ ལུར་བཞུང་ B. Sudarshan Reddy ལོ་ འོད་ཤོག་ ན་ སྤོང་བཞག་ ཡོད། ཁོང་ གི་ ཐོང་རང་ form རྒྱུ་སྐད་ འདི་ ཕུལ་ཤང་ སྤང། འོས་ཤོག་ དོན་ལས་ form བྱུ་ སྐད་བའི་ ཉིན་ ཐ་མ་ ཐོང་རང་ ཨིན་ནས་ ཁས་སི་ འོས་ཤོག་ སྤོང་འདོད་ མེད་ཤང་ རང་ གི་ form བྱུ་ལྷི་ ལྷ་ འདི་འི་ ཆོས་གང་ ༢༥ སང་ ལུ་ལོག་ ལེན་ ལུ་ཤང་ སྤང། ཤོམ་ བྱུ་ གི་ ཁོབ་སྟོང་ ཆོ་གང་ ༢༢ ལོ་ འབྱུང་ཤང་ དང་ འོས་ཤོག་ གི་ ལྷི་ལྷ་ བ་མའི་ ཆོ་གང་ ༩ ལོ་ ཐོན་ཤང་ ཨིན། སོང་མཁན་ ལྷ་བོ་ ན་ སྐུ་ཞབས་ Jagdeep Dhankar གི་ དགོས་ཤ་ ལེན་ས་ ལས་ སྤང་འཛིན་ གཞོན་པོ་ ཁས་འདི་ སྟོང་ཕུ་ ལུས་བསྟོད་པོ་ ཡོད་མཁན་ སྤང།

WATER PIPELINE DAMAGE

Mile 9 Rateychu ལོ་ ས་རུས་ སྐབས་ཏྲོ་ ལུ་ལོན་ སའི་ དབུས་ལོ་ ལྷག་ གཏོར་ ཐོན་ས་ ལས་ སྐད་ཏྲོག་ ཚོང་ཁྲིམས་ ན་ ལུ་འི་ བཀའ་ངལ་ ཐོན་སྤྱོད་ཡོད། འདི་ བྱ་ སོང་ འབྲེལ་བ་ ཡོད་མཁན་ ལས་ རྒྱུ་འདི་ སྐད་ཏྲོག་ མཐའ་ཐོ་ བཞུ་ མཁན་ ལུ་ ལོ་ ལུ་ འདའ་མེད་ ཁྲོ་ལ་ མ་གཏོང་བ་ དགོས་ ས་ཅི་ ཀྱི་ བབས་སྟོང་ གཏོང་དགོས་པོ་ གསུང་ ཡོད།